

ԹԵՅՇԵՔԱՆԷԷ (ԿԱՐՄԻՐ-ՔՆՈՒՐԷ) ԳԻՆՈՒ ԿԱՐԱՍՆԵՐԸ

2. Կ. ԿԱՐԱՍՆԱՆ

Հին Արևելքի երկրներում տարբեր չափերի ու տարողության կարասները լայնորեն օգտագործվել են տնտեսության բազմաթիվ ճյուղերում: Եգիպտոսում, Ասորեստանում, իսթական, ինչպես և ուրարտական թագավորությունների մեջ հացահատիկները և բազմատեսակ գյուղատնտեսական մթերքներ՝ հատկապես գինին, գարեփուրը և յուղը պահվում էին կարասներում: Ուրարտուի տնտեսության մեջ, ինչպես պարզվում է պեղումներից, կարասները բացառիկ նշանակություն են ունեցել, սակայն նրանց պատրաստման տեխնոլոգիայի և եղանակների մասին հատուկ ուսումնասիրություններ չեն կատարվել: Ուրարտագետներ Լեման Հաուպտը, Գրիգոր Ղափանցյանը, Բորիս Պիոտրովսկին և ուրիշներ ուսումնասիրելով Ուրարտուի պատմությունը ու կուլտուրան, տնտեսական հարցերի կապակցությամբ համառոտակի անդրադարձել են նաև ուրարտական տարայի առանձին տեսակներին:

Թոփրակ-կալեի, Վանի, Արգիշտիխիի, Թեյշեբախիի և Էրերունիի պեղումների շնորհիվ հայտնաբերվել են իսեցեղենի և տարայի բազմատեսակ մնացորդներ: Ձեռնարկելով դրանց ուսումնասիրությունը, առավելապես հիմնվել են հնագիտական նյութի վրա, համեմատելով այդ նյութը ազգագրական տվյալների հետ, իսկ պատրաստման տեխնոլոգիան ուսումնասիրելիս մեզ օգնել է ծանոթությունը այժմյան տնայնագործական եղանակների հետ:

Թեյշեբախիի պեղումներից հայտնաբերվել են տարայի հետևյալ տեսակները.

1. Կարծր տարա՝ տարբեր տեսակի և չափերի կավե անոթներ, կարասներ, կժեր, կճուճներ, բարից պատրաստված տաշտեր, սվազաններ, մետաղյա անոթներ, կաթսաներ և այլն:

2. Կիսափափուկ տարա՝ կողովներ, ծղոտե զամբյուղներ և սակառներ: Սրանցից չնչին էմուլներ են հայտնաբերվել, որովհետև ենթակա են եղել արագ փչացման, բացի այդ, միջնաբերդի հրդեհի ժամանակ, նրանց մի մասը այրվել է, իսկ մի որոշ մասն էլ օգտագործվել թշնամու կողմից ալարը տեղափոխելու համար:

3. Փսիուկ տարա՝ պարկեր, սոսորակներ և այլն: Տիկը նույնպես պատկանել է փափուկ տարայի տեսակներին և կավե տարայից էտո, չին Աշխուհում, ամենատարածվածն է եղել Դժբախտաբար արագորեն փտման ենթակա այդ տարայի ոչ մի նմուշը մեզ չի հասել:

Վերը նշված ուրարտական տարայի տեսակներից Թեյշեբախիում (Կարմիր-բլուր) հիմնականը հանդիսացել են մեծ քանակությամբ կավե անոթները, որոնց մեջ աչրի են ընկնում հսկայական կարասները: Իրենց քանակով այդ կարասները երկրորդ տեղն են գրավում հայտնաբերված կավե անոթների թվում և մեծ մասամբ գտնվել են վերջին տասնամյակում կատարված պեղումների ժամանակ:

Կարմիր-բլուրի գինու ութ մառաններում հայտնաբերվել է մոտավորապես 450 կարաս: Ամենամեծ մառանը հայտնաբերվել է Ֆիջնաբերդի երկրորդ հարկում, որտեղ հինգ շարքի վրա տեղավորված են եղել 120 կարաս: Մնացած յոթ մառանները հայտնաբերվել են միջնաբերդի ստորին հարկում: Նույնանման կարասներ հայտնաբերվել են նաև ուրարտական այլ բնակավայրերում: Այսպես, Երինակ, Լեման Հաուպտի կողմից Թոփրակ-կալեի պեղումների ժամանակ հայտնաբերվել է գինու մառան 25 կարասով:

1958 թ. Էրերունիի (Արինբերդի) պեղումների ժամանակ հայտնաբերվել է գինու մառան 11 կարասով, իսկ 1959 թ. մառան 9 կարասով: Կարասներ են հայտնաբերվել նաև ուրարտական Արգիշտիխիի (Արմավիրի բլուր, Հոկտեմբերյանի շրջան) քաղաքում:

Ուսումնասիրելով նույնանման կարասների պատրաստման այժմյան տնայնագործական եղանակները, որ բիշ են տարբերվում հայկական և վրացական միջնադարյան եղանակներից, հնարավոր է պատկերացում կազմել ուրարտացիների գործադրած եղանակի մասին: Դրան օգնում են նաև Միջագետքում ու Եգիպտոսում պեղումների ժամանակ հայտնաբերված կավագործական արհեստանոցների և թրծման հնոցների վերաբերյալ եղած նյութերը:

Ուրարտուում, ինչպես և Հին Արևելքի մյուս երկրներում այդպիսի արհեստանոցները կառուցել են բացօթյա կամ ծածկի տակ՝ ղեռների, առուների և ջրանցքների կողքին՝ նկատի ունենալով մեծաքանակ ջրի անհրաժեշտությունը կավագործական աշխատանքներում: Այդպես են կառուցել նաև միջնադարյան Հայաստանում ու Վրաստանում, կավագործական արհեստանոցներ են հայտնաբերվել Թրիլիսիում Կուրի ափին, Դվինում՝ Բզովան գյուղի գետակի ափին: Կավագործական արհեստանոցների կառուցված լինելը Թեյշեբախի միջնաբերդի բակում, առավել ևս ներսում, բացառված է, քանի որ նմանօրինակ աշխատանքները հնարավոր չէր իրականացնել այդպիսի վայրում: Դժբախտաբար մինչև օրս ուրարտական ոչ մի բնակավայրում, այդ թվում նաև Թեյշեբախում, չեն հայտնաբերվել բրոնզի արհեստանոցներ և հնոցներ: Յուվա գյուղի (Արտաշատի շրջան) բազմամյա բրոնզ-վարակետ Գեղամ Մասումյանը մեզ հետ միասին ուսումնասիրելով Թեյշեբախի խեցեղենի կավի տեսակն ու որակը, գտնում է, որ այդ կավը բարձր որակի է եղել և նրանից օգտնավակայանի ու նրա շրջակայքի տների տրիանգլի կավից է²:

Հավանական է, որ բրոնզի արհեստանոցները եղել են Իլդարունի գետի (Հրազդանի) ափին, իսկ կարասներ կամ այլ անոթներ պատրաստելու համար կավը բերել են վերը նշված վայրից: Կարասները պատրաստելու ժամանակ կավին խառնել են նաև ավազ ամբուլյուն տալու և թրծման ժամանակ ճարելու վտանգը կանխելու համար:

Թեյշեբախում կավագործական արհեստանոցի առկայության մասին է վկայում նաև բազալի պեղումների ժամանակ № 4 բնակարանից հայտնաբերած թրծված կավից պատրաստված բրոնզի զուրգի սկավառակը³: Վերջինիս ներքևի զանաձև մասը, որ ծառայել է իբրև առանցքակալ՝ սկավառակը թափանիվին միացնելու համար, համեմատած Դվինի պեղումներից հայտնաբերված միջնադարյան զուրգի սկավառակի առանցքակալի հետ, ավելի կարճ է⁴:

Այժմ տեսնենք, թե ինչպե՞ս են բնթացել կարասների պատրաստման աշխատանքները: Ըստ Երեմյայի, ինչպես Եգիպտոսում, Ասորեստանում, այնպես էլ Ուրարտուում գոյություն է ունեցել աշխատանքի խիստ բաժանում:

Մի խումբ մարդիկ զբաղված են եղել սև աշխատանքներով, պատրաստել են կավը, փոխադրել են և կոխել, իսկ բրոնզ վարակետները պատրաստել են կարասները: Աշխատանքը բնթացել է մոտավորապես հետևյալ հերթականությամբ: Պատրաստի կավից վարակետ բրոնզի վերջնական մի քանի գունդ, զուրգի վրա պատրաստել է կարասի հատակը և ցածի մասը 20—30 սմ բարձրությամբ: Կարմիր-բլուրի կարասների վրա պարզ երևում են զուրգի վրա պատրաստված կարասի ցածի մասի և ձևերով պատրաստված վերևի մասի սահմանները: Ամեն մի վարակետ պատրաստել է այնքան հատակ, ինչքան կարաս կարող էր նախաձեռնել միանգամից, որովհետև զուրգի վրա կարասի ցածի մասը պատրաստելուց հետո, հետագա աշխատանքները կատարվել են ձևերով մինչև կարասի ավարտումը: Կարասների ցածի մասերը մեկը մյուսի հետևից ավարտելուց հետո, բրոնզի վերջերի է մի գունդ կավ, պատրաստել 3—5 սմ հաստությամբ այսպես կոչված պատրույգը, այն ամրացրել է զուրգից դուրս բերված կարասի հատակի կիսախոնավ պատերին, մատնելով հարթել ու բարձրացրել է կարասի պատերը: Մեկ պատրույգով նա հնարավորություն է ունեցել բարձրացնել պատերը 8—10 սմ: Ինչքան մոտեցել է կարասի փորի ամենալայն մասին, այնքան ավելի երկար է պատրաստել պատրույգը: Ամեն պատրույգի բարձրությամբ հյուսելուց հետո կիսավարտ կարասը հղկել են և թողել ծածկի տակ չորանալու, ոչ լրիվ չորանալուց հետո հնարավոր է եղել հյուսել հետևյալ պատրույգը: Պատրույգները իրար լավ միացնելու համար տակի պատրույգի վերին եզրին մատների ճնշումով արվել են փոսիկներ, որոնց մեջ ատամնավոր ելուստներով մտնում էր վերին պատրույգի ցածի եզրը: Ստեղծվել է ամուր կապ, որի շնորհիվ երբեք կարասը այդ մասից չէր ճարի: Կարմիր-բլուրի կարասները ուշադրությամբ դիտելիս, նկատելի են առանձին պատրույգների միացման սահմանները, որոնք երևում են նույնիսկ թրծելուց հետո: Իսկ 1953 թ. Էրեբունիի պեղումներից № 4 կարասային պահեստում հայտնաբերված կարասի բեկորի վրա երևում են

¹ Կ. Ղաֆադարյան, Դվին քաղաքը և նրա պեղումները, Երևան, 1952, էջ 236: Երևանի օգտնավակայանը կարելի է համարել Թեյշեբախի շրջակայքը, քանի որ դանվում է ընդամենը 2—3 կիլոմետր հեռավորության վրա:

² В. С. Сорокин, Раскопки древнего поселения, Кармир-блур, II, Ереван, 1952, էջ 81:

³ Կ. Ղաֆադարյան, նշվ. աշխ., էջ 235:

մատների ճնշումներ, որոնք լավ չեն կատարվել, ուստի ատամնավորումը թույլ է եղել, կարասը ջարդվել է հենց պատրույգի կապի տեղից¹ (նկ. 1 և 2)։

Այս եղանակով պատրաստված կարասը վարպետ-բրուտ Մասումյանի կարծիքով ամբողջովին ավարտվել է մոտավորապես 10—12 օրվա ընթացքում. դրա համար էլ վարպետ բրուտը զբաղված չի եղել մեկ կարասի պատրաստումով։ Առանց բնահատումների աշխատելու և ժամանակը լավ օգտագործելու համար բրուտը պետք է ձեռնարկեր 6—10 կարասի միաժամանակյա պատրաստմանը։ Այդ դեպքում վարպետը հնարավորություն է ունեցել պատրույգները հյուսել մեկը մյուսի հետևից՝ առանց սպասելու, քանի որ հինգերորդ կամ վեցերորդ կարասի վրա պատրույգը հյուսելու ժամանակ, առաջինը արդեն չորացած կլիներ այն աստիճան, որ հնարավոր կլիներ նոր պատրույգը հյուսել։

Այսպիսով, պարզ է դառնում, թե ինչո՞ւ Կարմիր-բլուրից հայտնաբերված 400-ից ավելի կարասների շուրթերին նշված են ութինը վարպետների նշաններ։ Ամեն մի վարպետ պատրաստել է 40—50 կարաս, արագ ու րստ հնարավորին կարճ ժամանակամիջոցում, ավարտված միջնաբերդի պահեստներում տեղավորելով համար։



Նկ. 1. Պատրույգը միացնելու համար մատների ճնշումով արված փոսիկներ կարասի բեկորի վրա։



Նկ. 2. Մատների հետքերը կողքից դիտված։

Այժմ տեսնենք, թե ինչպես են կատարել կարասների թրծումը։

Հին Աշխարհում կավե անոթները թրծել են հնոցներում, որոնց մնացորդները հայտնաբերվել են հնագրության բազմաթիվ պեղումների ժամանակ։ Այդ հնոցները բնահատուր գծերով նման են ինչպես միջնադարյան հնոցներին, այնպես էլ այժմյաններին։ Հնագրության հնոց է հայտնաբերվել Նիպուրում (III հազարամյակ մ. թ. ա.), որը իրենից ներկայացրել է մի լատանկյունի կառուցվածք 4 մետր երկարությամբ և 2,23 մ լայնությամբ, Մածկը կամարած է եղել և ունեցել է 1,20 մետր բարձրություն²։ Հին եգիպտոսի Մեգամուտ քաղաքում հայտնաբերել են հնոցներ, որոնք վերաբերում են մ. թ. ա. III հազարամյակի վերջին, երկրորդ հազարամյակի սկզբին, այսպես կոչված միջին թագավորության ժամանակաշրջանին։ Այդ հնոցներից մեկը շրջանակաձև է եղել և ներքևի մասում ունեցել է 1,30 մ տրամագիծ և 0,20 մ պատերի հաստություն։ Հնոցը շարված է եղել աղյուսներով և ունեցել է 0,90 մ

¹ Պահեստը պեղել է Հայկական ՍՍՌ ԳԱ Հնագիտության և ազգագրության ինստիտուտի ավագ գիտաշխատող Մարգո Խարայելյանը։

² И. Лурье, К. Ляпунова, М. Матье, Б. Пиотровский, Н. Флиттер, Очерки по истории техники Древнего Востока, Ленинград, 1940, էջ 80։

բարձրություն. հատակը ծեփված է եղել կավով, սակայն բազմաթիվ անցքերով կապվել է ներքևում գետնի մեջ փորված հնոցի հետ, որը ներսից ունեցել է 0,33 մ բարձրություն¹:

Նույնանման հնոցներ գոյություն ունեն մինչև մեր օրերը Յուվալում (Արտաշատի շրջան):

Մեր թվագրության IV—VI դարերին են վերաբերում 1946—1949 թթ. պեղումների ժամանակ Մինդեշատիում, Կուրի աջ ափին հայտնաբերված 23 հնոցները²: Դրանք էլիպսաձև, սուղանկյունի և շրջանակաձև երկհարկանի հնոցներ են, որոնք բիշ են տարբերվում վերևում նկարագրված եգիպտական հնոցից:

IX—X դարերին են պատկանում Բուլղարիայում Մադարա գյուղի մոտ հայտնաբերված բառանկյունի երկհարկանի հնոցները, որոնք նման են Մինդեշատիի և Դվինի 1950 թ. պեղված հնոցներին: 1947 թ. Իվինում նույնպես հայտնաբերվել է XII—XIII դարերին պատկանող հնոց, որը շրջանակաձև է եղել, ինչպես այժմյան Յուվալի հնոցները³:

Դժվար չէ նկատել, որ վերևում նկարագրված հնոցները III հազարամյակից մ. թ. ա. մինչև մեր թվականության XIII դարը սովորաբար եղել են երկհարկանի, բառանկյունի, շրջանակաձև և էլիպսաձև: Ներքևի հարկը ծոռային է կրակը վառելու համար, իսկ վերևում կատարվել է թրծումը⁴:

Մոտավորապես նույնպիսի հնոցներում նույն եղանակով են կատարել նաև ուրարտական կարասների և ընդհանրապես խեցեղենի թրծումը:

Կարասները թրծելուց հետո ստացել են կարմրավուն գույն: Դա երևում է պահեստներից հանված կարասներից, որոնք կիսով չափ թաղված են եղել հատակի մեջ, թաղված մասը պահպանել է իր գույնը, իսկ ինչ վերաբերում է հողից դուրս մնացած կեսի մոլդ գույնին, ապա դա հետևանք է ծխի ներծծվելուն կարասների մեջ, որ տեղի է ունեցել միջնաբերդը այրվելու ժամանակ:

Ուրարտական կարասները համեմատած Հին Աշխարհի մյուս երկրների կարասների հետ, անհամեմատ ավելի խոշոր են: Իրենց ձևով ու զարդարանքներով նման են ասորեստանյաններին, իսկ մեծությամբ և տարողությամբ կրեոտ-միքենյան կարասներին, որոնք հայտնաբերվել են Կնոսոսում⁵: Դրանք կոնաձև, սրածայր, հսկայական կավե անոթներ են 1,5 մետրից մինչև 2 մետր բարձրությամբ, 0,85-ից մինչև 1,15 մետր տրամագծով ամենալայն մասում. ամուր ուղղահայաց շուրթերով, կարճ վզով, 0,35—0,48 մ բերանների տրամագծով: Կարասները զարդարված են ներծկումով արված երեք շարք զեղեցիկ գոտիներով: Մեկը անցնում է անմիջապես շուրթերի տակով, իսկ երկուսը ավելի ցածից՝ համարյա կարասների մեջտեղով: Ամենալայն մասում կան խորաբանդակ եռանկյունաձև զարդարանքներ: Նույն զարդարանքներից կան նաև ներքևի մասում: Այդ խորաբանդակների թև՝ վերևի, և թև՝ ներքևի շարքը թաղվել են հատակի մեջ և ունեցել են գործնական նշանակություն: Նախ՝ ոչ ոքորկ մակերեսով կարասները ավելի ամուր են լինում, քան հարթ մակերեսովները: Երկրորդ, այդ խորաբանդակները հնարավորություն են տվել կիսաթաղված կարասները ամուր պահել հատակի մեջ:

¹ И. Лурье, К. Ляпунова, М. Матее, Б. Пиотровский, Н. Флинтнер, *Звзв. арх.*, էջ 219:

² Т. И. Ионе, О гончарных обжигательных печах из Мингечаура, Материальная культура Азербайджана, II, Баку, 1951, էջ 33:

³ Կ. Ղասարյան, *Հնգ. աշխ.*, էջ 236:

⁴ Թրծումը կատարվել է հետևյալ եղանակով. կարասները լրիվ ավարտելուց հետո, թողել են ծածկի տակ մի քանի օր չորանալու, որից հետո տեղափոխել են թրծման հնոցները: Կարասները նախքան հնոցի մեջ տեղափոխելը, մի քանի օր էլ թողել են հնոցի շուրթը՝ չորացումը շարունակելու համար: Երբ կարասների որոշ մասը թրծվել է հնոցի մեջ, միաժամանակ նրա շուրթը շարված կարասները կիսաթրծվել են և այնուհետև անվնաս գետեղվել հնոցի մեջ՝ թրծումը ավարտելու համար: Կարասները թրծել են մինչև ամբողջապես կարմրելը: Առաջին օրը կրակը արել են թույլ, որովհետև ուժեղ կրակից կարասը կճարեր, երկրորդ և երրորդ օրը կրակը ուժեղացրել են փայտով կամ աթարով: Եգիպտոսում ալգ անում էին ծղոտով ու եղեգով: Թրծումը տևել է 2—3 օր, ավարտելուց հետո կրակը աստիճանաբար հանցրել են, քանի որ ջերմության խիստ փոփոխումը պատճառ կլիներ կարասների ճարելուն: Այսպես են թրծել ոչ միայն կարասները, այլև ամեն տեսակ կավե անոթները:

⁵ Charles Singer, F. J. Holmgard and R. Halle, A History of Technology, Oxford, 1955, էջ 400:

րանի ու խորարանդակների մեջ տնտեսված հողը նպաստել է կարասի ուղղահայաց դիրքին (նկ. 3)։ Ընդհանուր առմամբ իրար նման այդ կարասները արտաքին տեսքով և զարդարանդակներով մեկը մյուսից տարբերվում են։ Կարասների որոշ մասը պատրաստված են մեծ վարպետությամբ, կրում են զեղեցիկ դարպարանդակներ, իսկ որոշ կարասներ՝ կոպիտ են պատրաստված, ցածրորակ են։ Դա անշուշտ տարբեր վարպետների աշխատանքի արդյունք է, որ պարզ երևում է կարասների վրա դրոշմված նշաններից, որոնցից են, օրինակ, հինգթևանի աստղը, խաչը, երեք կետը և այլն։ Նույնը կարելի է տեսնել կարասների եռանկյունի խորարանդակների մասին, որ կատարված են փայտից պատրաստված հատուկ կաղապարներով՝ ճնշելու եղանակով։ Թրծումից հետո էլ նկատվում են կաղապարների հետքերը։

Ինչ վերաբերում է կարասների վրա նշված տարողության չափերին (սեպագիր կամ հիերոգլիֆ նշումներ), ապա դրանք արված են կարասները թրծելուց, հավանաբար նրանց մեջ որևէ հեղուկ կամ սովորաբար գինի լցնելուց հետո։

Թե սեպագրերը և թե հիերոգլիֆ նշանները օգտագործել են միաժամանակ, որոնք արտահայտել են տարողության չափերը՝ ակարկի և տերուսի։ Սկզբնական շրջանում սեպագրերը գրել են լրիվ, իսկ հետագայում՝ միայն սկզբի տառերը։ Հիերոգլիֆ նշանները նշանակել են խորացրած կետերով, ուղղահայաց գծիկի երկու կողմերով, ձախ կողմը նշել են տերուսի, իսկ աջ կողմը՝ ակարկի։

Մեկ ակարկին, բայց պրոֆեսոր Բ. Բ. Պիոտրովսկու հավասար 1,250 լիտրի, իսկ տերուսին 1/10 ակարկիի։ Կարասների տարողության սեպագիր և հիերոգլիֆ նշանները մեկը մյուսից բիշ են տարբերվում, րանի որ կարասների չափերն էլ իրարից բիշ են տարբերվում։ Կարելի է հպարտացնել, որ կարասների վրա նշված տարողության չափերը արտահայտել են նրանց մեջ լցված գինու բանակը, որը ընդհանուր առմամբ համընկել է կարասի տարողության հետ։ Այդ պարզ երևում է գինու կարասների վրա մինչև երեք անգամ նշված չափերից, որոնց տարբերությունը հասնում է մի քանի տերուսի։ Այս մասին է վկայում վերջապես տարողության չափերի գրելը կարասները պահեստներում տեղավորելուց հետո։

Կարմիր-բլուրում հայտնաբերված կարասներից միայն երեքը աչրի են ընկել իրենց փոքր չափերով։ Օրինակ՝ մեկ ակարկի 4,5 տերուսից մինչև 1 ակարկի 5,5 տերուսի, մնացած կարասների մեծ մասը 3 ակարկի 4 տերուսից հասնում են մինչև 5 ակարկի 5 տերուսի։ Վերջին ամենամեծ կարասները հայտնաբերվել են N 25 պահեստում։

Եզրպտոսում հունա-հռոմեական և կոպտական ժամանակաշրջանում գինու կարասները անթափանցելի դարձնելու համար ներսից ծածկել են սև գույնի հալված կուպրով³։

Հավանական է, Կարմիր-բլուրի կարասները նույնպես, նախքան գինի լցնելը, ներսից պատել են որևէ անթափանցելի նյութով⁴։

Այս բոլորից հետո կարասները փոխադրել են նախօրոք պատրաստված պահեստները և այնտեղ կիսաթափված վիճակում շարել են հատակի մեջ։ Դրանից հետո մառաններն են փոխադրել հսկայական քանակությամբ փափուկ հող և լցրել կարասների շուրջը կիսով չափ, դրանք թաղելով։ Ապա հատակը հարթել են, տնփանել պնդացրել ու ծեփել։ Այդ հողաշերտը ընդհանրապես եղել է մեկ մետրից ավելի մինչև երկու մետր, ծրկու մետր տնփանված հողաշերտ է ունեցել N 40 գինու պահեստը։ Մնացած պահեստների հողաշերտը եղել է 1,30—1,50 մ։ Հին Աշխարհում գինու մառանները երբ տեսակ էին լինում։

Առաջինը, որը ամենատարածված ձևն էր Եզրպտոսում և Կրետեում, այն էր, որ կարասները մառաններում շարված էին լինում կողք-կողքի։

Եզրպտոսում գինու կարասները ուրարտականներից անհամեմատ փոքր էին։ Ամենամեծ կարասները մեկ մետրից բարձր չէին։ Մառաններում շարված էին լինում կողք-կողքի հենված։

¹ Բրուտ Գ. Մասումյանի արհեստանոցում այդպիսի զարդարանդակներ պատրաստելու ժամանակ տեսանք հետևյալը. վարպետը ներձկումով կատարած դոտիների տեղում կավը թողել էր ուռուցիկ, որից հետո ցուցամատով կամ որևէ գլանաձև փայտիկով հավասար հեռավորության վրա և թերությունը ճնշում էր ուռուցիկ շրջանակները։

² Б. Б. Пиотровский, Керамический, И. Ереван, 1952, էջ 66։

³ А. Лукас, Материалы и ремесленные производства древнего Египта, Москва, 1958.

⁴ Արարատյան դաշտի գյուղերում և այլ խաղողագործական շրջաններում կարասների նախքան գինի լցնելը, ներսից պատում են անասունի ճարպով, մեղրամոմով, կամ կուպրով, որպեսզի գինին չներծծվի կարասի պատերի մեջ։



Նկ. 3. Կիտաթաղված կարասներ տափանջած հողաշերտի մեջ:

Ինչպես վերևում նշեցինք, կնոսոսյան կարասները տարողության տեսակետից ուրարտական կարասների նման են, սակայն նրանք պահվում էին կանգնած վիճակում, քանի որ նրանց հասակները լայն էին:

Երրորդ տեսակի մառանները հնարան-նստարաններով՝ տարածված էին մասամբ Եգիպտոսում և Ֆյունիկիայում: Այլ նստարանների մեջ տեղավորված կարասները եղել են կլար հատակներով և տարողությամբ շատ փոքր:

Երրորդ տեսակի մառաններում կարասները կիսով չափ թաղել են հատակի մեջ: Այս եղանակով սարքված մառանները, համեմատած առաջին երկու տեսակի մառանների հետ, ավելի պրոծնական են եղել և ունեցել են մի շարք առավելություններ: Տարածված են եղել Ասորեստանում և Ուրարտուում, հետագայում նաև Հայաստանում ու Վրաստանում (նկ. 4):

Այսպիսի մառանների առավելություններն են.

Ամենակապի ալն է, որ նրանք հարմարեցված են գինու վերամշակման համար:

Երկրորդ՝ այլ կարասները կարելի է տեղավորել ավելի՝ քիչ տարածության վրա:

Երրորդ՝ կարասների կիսաթաղված քարերար ազդեցություն է ունենում գինու որակի վրա, հատկապես տաք եղանակներին:

Չորրորդ՝ կարասների ջարդվելու և ձաթելու փառնք ալելի քիչ է:

Նրկով մառաններում կարասների տեղավորման այս առավելություններից և պարզապես առաջին երկու եղանակով կարասները պահելու անհարմարությունից, ուրարտացիները նախընտրել են երրորդ եղանակը:

Կարմիր-բլուրի ութ մառաններում հնարավոր է եղել պահել մոտավորապես 300.000 լիտր գինի: Այսպիսով, Կարմիր-բլուրի մառանները զերազանցել են մինչև այժմ հայտնի բոլոր ուրարտական գինու պահեստներին, նույնիսկ Մանագլերտի մոտ՝ Բոստան-կայայում Մենուայի թողած արձանագրության մեջ նշված 990 ակարկիով գինու պահեստին¹: Կարմիր-բլուրում պահվել է 1590 ակարկիից ավելի գինի, այսինքն, Մենուայի պահեստից 690 ակարկիով ավելի (մեկ ակարկին, բոտ պրոֆ. Բ. Բ. Պիտարովսկու, հաշվարկ է 240—250 լիտրի):

Տարողության նշանների բեկառությունը և կարասների հատակին անցքերի բացակայությունը վկայում են, որ կարասները ծառայել են քնդհանրապես գինի և այլ հեղուկներ պահելու համար: Կարասների տեղավորելը և մառաններում տեղավորելը կապված է եղել մեծ զոգվածությունների հետ: Երկրով Կարմիր-բլուրի միջնաբերդի կառուցվածքից և գինու պահեստների ցրվածությունից, պետք է ենթադրել, որ այլ աշխատանքներին մասնակցել են մեծ թվով մարդիկ, որովհետև երեք-չորս ժողով միջոցով հնարավոր չէր ծանր ու վերցնելու հարմարություն չունեցող կարասները անվնաս տեղադրել պահեստներում: Հետաքրքիր են այս տեսակետից կնոսոսյան կարասները, որոնք ունեն մի քանի տասնյակ բռնակներ, և դրա շնորհիվ նրանց տեղավորելը շատ հեշտ էր: Նրանց հատակները, ինչպես ասեցինք, ավելի լայն են և կարասը հանդիստ մնում էր կանգնած վիճակում:


Ուրարտական կարասների տեղավորման մասին պարզ պատկերացում ենք կազմում էալավաի գոների վրայի բրոնզե զարդաքանդակների մի բեկորից, որի վրա ուղարկություն է պարձրել Ք. Ղափանցյանը² (նկ. 5):

Սարմանասար III-ի՝ գեղի Ուրարտու կատարած աշխատանքի տեսարաններից զարդաքանդակներում կան բերդերի պրավման և ավարի տեղավորման բազմաթիվ պատկերներ: Այլ թվում նաև մի կարասի տեղավորման շարդաքանդակ: Այնտեղ 16 ուրարտական ուղղա-գրկներ լծված են չորս անիվների սալին, որի վրա մի կարաս պահված վիճակում պարաններով ամրու կապված է սալին: Մեկ ուրիշ պարան, որը քաշելով շարժման մեջ է գրել սալը, էրեքտակ է: Սալի շարժման ժամանակ կարասը չցնցվելու համար պարանի մեկ տակը կապել են կաշուի վզից, իսկ մյուս երկու տակերը՝ սալի աջ և ձախ կողմերից, և 11 ուղղագրկները քաշում են սալը: Ասորեստանյան ուղղաքիլը բալլում է նրանց կողքից և զեկավարում սալի շնթալը: Սալի վրա կարասի կողքին նույնպես կանգնած է մի ուղղաքիլ և զեկավարում է սալի ուղղությունը, իսկ սալի հետևից մի ուղղաքիլ բռնել է կարասի հատակամասից և ալն պաշտպանում է ցնցումներից: Երկու ուղղաքիլները էլ սալի ետևից են բռնել ձողից՝ ալսանդից ուղղելով շարժման ընթացքը:

Կարասն բոտ երևույթին լի է ավար վերցրած իրերով՝ կամ մթերքով: Գինի կամ ալի հեղուկ տեղավորելու ավելի գեղարված քաղաքված է, քանի որ կարասը պահված վիճակում է:

¹ Г. А. Меликишвили, УЖН, ВДИ, № 2, 1953.

² Ք. Ղափանցյան, Ուրարտուի պատմությունը, Երևան, 1940, էջ 65:



Նկ. 4. Գինու մառան հատակի մեջ կիսաթաղված կարասներով:



Նկ. 5. Բալափաթի զաների վրայի զարդարանդակի բեկոր՝ կարասը տեղափոխելու տեսարանում

Տարբեր մեծությամբ կարասները ուրարտական և հնաուրարտական ժամանակաշրջանում երկար ժամանակ, հատկապես հույների և վրացիների մոտ, հանդիսացել են հիմնական տաքսի կարասների մեջ պահել են խմիչքներ, յուղ, թթուներ, հացահատիկ և այլն, ոչ միայն պահել են, այլև նրանցով տեղափոխել են մի վայրից մյուսը։ Հերոդոտը հաղորդում է, որ հայերը կավե անոթներով կամ փայտե կարասներով զեպի Բարեկոն գինի էին արտահանում։

«Նրանց (արմենների) նավերը, որ լողում էին գետերի հոսանքով զեպի Բարեկոն, փահանների նման կլոր էին, ամբողջապես եղեգոյ՝ և բռններով բառնալուց հետո բաց էին թողնում գետի հոսանքով։ Նավերը բարձրված էին լինում հատկապես գինով՝ կավե կարմիր անոթների մեջ»¹։ Հերոդոտի հաղորդման վերջին տողերը, առնչելով «կավե կարմիր անոթների մեջ», մինչև այժմ որոշ հեղինակների կողմից թարգմանվել է այսպես՝ «արմավենուց պատրաստված տակառների մեջ» (Յ. Տ. Միշլենկո, Հ. Հ. Մանանդյան)։

Այսպիսի թարգմանությունը ճիշտ չէ հետևյալ պատճառներով։ Նախ՝ «ΑΡΜΕΝΟΙΣ ΠΙΝΟΥΣΙ» բառերը նշանակում են «կարմիր կավից անոթներ», երկրորդ՝ Հայաստանում արմավենուց տակառներ պատրաստելը ն. մ. թ. VI—V դարերում բացառված է, քանի որ նախ՝ արմավենին հայկական բնոռաշխարհի ոչ մի վայրում չի աճում և եթե որևէ շրջանում էլ աճում էր, ապա այն երբևէ չէր օգտագործվի առաջն պատրաստելու, առավել ևս տակառներ պատրաստելու համար։

Երրորդ, նույն Հերոդոտը Բգիպտոսի մասին գրում է. «Տարին երկու անգամ Ատտիկայից և Փյունիկիայից հույները գինին կամ անոթներով տանում էին Եգիպտոս վաճառելու համար»։ Եթե հույները գինին արտահանում էին կավե անոթներով, կասկած չկա, որ հայերը նույնպես կավե անոթներով էին արտահանում, և Հերոդոտի ուշադրությունն էին գրավել միայն կլոր նավերը և կարմիր գույնի կավե անոթները, մի երևույթ, որը հույների մոտ չկար։

Եվ վերջապես, փայտյա տակառները որպես տարա տառքին անգամ օգտագործել են (Պլինիոսի և հռոմեական ուրիշ պատմիչների հաղորդման համաձայն) գալլերը՝ գինին զեպի Հռոմ արտահանելու համար, սկսած մեր թվականության երկրորդ դարից։

Հայկական մատաններում հատակի մեջ կիսաթափված կարասներում գարեջուրը պահելու մասին է հաղորդում Քսենոֆոնը²։

¹ Herodoti, Historiarum libri IX, Lipsiae, 1899. liber I, գլ. 194։

² Հ. Մանանդյան, Քննական տեսություն հայ ժողովրդի պատմության, Երևան, 1944, հատ. 1, էջ 78։

Կարելի է եզրակացնել, որ ն. մ. թ. IX—VI դարերում Ուրարտուում մեծ թվով կարասների արտադրության համար անհրաժեշտ են եղել խոշոր արհեստանոցներ, որտեղ արտադրվել են ոչ միայն կարասներ, այլև կավե տարայի մյուս տեսակները, որոնք պատրաստված են բացառապես դուրդի վրա և աչրի են բնակում իրենց բարձր որակով: Դրանք են՝ զլանաձև կարակերի տնոթներ, գինու գավեր, տարիքի չափերի ձկնի, հացահատիկի կարասներ և այլն: Կարմիր-բլուրի միայն N 29 պահեստից հայտնաբերվել են 1036 գինու գավեր, որոնք համապատասխանում էին գինու մեծ բանակին:

Բնակչության տնտեսության և կենցաղի մեջ, ինչպես և փոխադրությունների նպատակով օգտագործվող կավե տնոթների պահանջը շատ մեծ է եղել ու բազմակողմանի, ուստի և նրանց արտադրությունը մեծ տեղ է բռնել: Դատելով Կարմիր-բլուրի տնոթների որակից և պատրաստման առանձնահատկություններից, կարելի է պնդել, որ ուրարտական բաղադրումը զարգացած կավագործությունը արդեն բաժանվել էր գյուղատնտեսությունից և ինքնուրույն արհեստի դարձել մյուս արհեստների շարքում:

Մենք արհեստավորին էլ չէին կարող բավարարել պետական տնտեսության պահանջը, ուստի պետք է ենթադրել, թե առաջ էին եկել խոշոր արհեստանոցներ բազմաթիվ աշխատողներով: Դրանք պալատական, տաճարային կամ մասնավոր ստրկատերերի արհեստանոցներ էին և բավարարում էին տարայի պահանջը: Կավագործությունը Ուրարտուում հատկապես ն. մ. թ. VII դարում, ինչպես ցույց են տալիս Կարմիր-բլուրի պեղումները, բավականին լայն բազա է ունեցել, և այդ արտադրությունը, բացի կենտրոնից, ընդլայնվել է նաև երկրի ծայրամասերում, բավարարելով տեղական պահանջները:

Կարասների և ընդհանրապես կավե տնոթների օգտագործումը որպես տարա միջին օրս էլ մնում է հալ ժողովրդի կենցաղում՝ աստիճանաբար տեղի տալով տարայի մյուս տեսակներին:

О ВИКНЫХ КАРАСАХ ГОРОДА ТЕИШЕБАНИИ (КАРМИР-БЛУР)

З. М. КАСАБЯН

(Р е з ю м е)

На древнем Востоке в отдельных отраслях хозяйства широко применялись тара-карасы разнообразной величины и емкости.

В Египте, Ассирии, а также и у хеттов и урартов, сельскохозяйственные продукты, разные злаки, вино, пиво, масла и пр. хранились в тара-карасах.

Из раскопок Топрах-Кале, Вана, Аргиштихинили, Тейшебани и Эребуни найдены разнообразная керамика, остатки тары. При изучении этой тары мы большей частью основывались на археологических материалах, а в технологии их приготовления — на данных нынешней кустарной промышленности и на богатом сравнительном материале древнего мира.

Для производства тары были необходимы большие мастерские, в которых можно было приготовить не только карасы для вина, но и разнообразные керамические сосуды. Тара готовилась исключительно из красной глины, с большим мастерством (сигарообразные сосуды для пива, сосуды для злаков, кувшины для вина, для масла, тарелки, чаши и пр.).

В VII в. до н. э. объем производства тары в Урарту значительно возрос. Ее начали изготавливать также в хозяйственных центрах, расположенных на окраинах государства, что удовлетворяло местный спрос.

После урартов карасы, как тара, нашли широкое применение в хозяйстве армянского народа.